

An Ciste Rialtais Áitiúil Tuarascáil an Ard Reachtaire Cuntas agus Ciste le cur faoi bhráid Thithe an Oireachtais

Tá cuntais an Chiste Rialtais Áitiúil don bhliain dar chríoch 31 Nollaig 2005 iniúchta agam faoi réir an Achta Rialtais Áitiúil, 1998.

Cuimsítear sa Chuntas, a ullmhaíodh de réir an Achta, na Polasaithe Cuntasaíochta, an Cuntas Ioncaim agus Caiteachais, an Clár Comhardaithe agus na nótaí gaolmhara.

Freagrachtaí na Roinne Comhshaoil, Oidhreachta agus Rialtais Áitiúil agus an Ard-Reachtaire Cuntas agus Ciste faoi seach

Tá an Roinn freagrach as an gCuntas a ullmhú agus as rialtacht na n-idirbheart a chinntiú.

Is í an fhreagracht atá ormsa an Cuntas a iniúchadh de réir na riachtanas dlíthiúil agus rialála ábhartha agus na gCaighdeán Idirnáisiúnta um Iniúchadh (an Ríocht Aontaithe agus Éire).

Tuairiscím mo thuairim an bhfuil an Cuntas curtha le chéile i gceart de réir an Achta. Tuairiscím freisin ar coimeádadh leabhair chuntais chuí i mo thuairimse. Lena chois sin, dearbhaím an gcomhaontaíonn an Cuntas leis na leabhair chuntais.

Tuairiscím ar chás ábhartha ar bith mar nár cuireadh airgead i bhfeidhm chun na gcríoch beartaithe nó mar nach réitíonn na hidirbhearta leis na húdaráis a rialaíonn iad.

Tuairiscím freisin más amhlaidh nach bhfuair mé an fhaisnéis agus na mínithe go léir atá riachtanach chun críocha mo iniúchta.

An Bunús le Tuairim an Iniúchta

I mbun m'fheidhme mar Ard Reachtaire Cuntas agus Ciste, rinne mé m'iniúchadh ar an gCuntas de réir na gCaighdeán Idirnáisiúnta um Iniúchadh (an Ríocht Aontaithe agus Éire) a d'eisigh an Bord um Chleachtas Iniúchóireachta agus i dtaca leis na nithe speisialta a bhaineann le comhlachtaí Stáit maidir lena gcúrsaí bainistíochta agus feidhmithe. Is sainchuid den iniúchadh scrúdú ar bhonn tástála a dhéanamh ar an bhfianaise a bhaineann leis na méideanna agus leis na faisnéisithe agus le rialtacht na n-idirbheart airgeadais atá sa Chuntas. Cuimsítear ann chomh maith measúnú ar na meastacháin agus na breitheanna suntasacha a rinneadh agus an Cuntas á ullmhú, agus féachann sé an oireann na polasaithe cuntasaíochta do thoscaí an Chiste, an bhfeidhmítear iad go comhsheasmhach agus an bhfoilsítear iad ar bhealach sásúil.

Phleanáil mé agus rinne mé m'iniúchadh sa chaoi is go bhfaighinn an fhaisnéis agus na mínithe go léir a mheas mé a bheith riachtanach ionas go mbeadh leordhóthain fianaise agam a d'fhágfadh cinnteacht réasúnta ann go bhfuil an Cuntas slán ó mhíríteas ábhartha, cibé acu calaíocht nó neamhrialtacht nó earráid eile ba chúis leis. Agus mé ag teacht ar mo thuairim, rinne mé meastóireacht freisin ar a shásúla go foriomlán is a cuireadh an fhaisnéis i láthair sa Chuntas.

Tuairim

Is é mo thuairim go léiríonn an Cuntas comhardú an Chiste mar is cuí, de réir an Achta, ar 31 Nollaig 2005, agus comhardú na n-idirbheart don bhliain dar chríoch ansin.

Is é mo thuairim gur choimeád an Roinn leabhair chuntais chuí. Comhaontaíonn an Cuntas leis na leabhair chuntais.



John Purcell
Ard Reachtaire Cuntas agus Ciste

29 Samhain 2006

Nótaí ar na Cuntais (ar lean)

17. Eile

Soláthraítear cúnamh d'Údaráis Áitiúla agus don Bhord Seirbhísí Bainistíochta Rialtais Áitiúil le costais tionscadal éagsúil a ghlanadh mar a leanas:

Feabhsú agus Nuachóiriú na Seirbhíse Dóiteáin	€237,720
Táscairí Seirbhíse in Údaráis Áitiúla	€100,000
Iomlán	<u>€337,720</u>

18. Mótarcháin atá dlite ar na hÚdaráis Áitiúla

Léiríonn sé seo dliteanas glan na nÚdarás Áitiúil i leith an Chiste maidir le Mótarcháin ar 31 Nollaig 2005. Is é atá ann:

Mótarcháin a bhí dlite ag deireadh na bliana	€2,386,341
Mótarcháin in airgead tirim a bhí ag gabháil tríd an gcóras baincéireachta ag deireadh na bliana	€1,220,098
Iomlán	<u>€3,606,439</u>

19. Fabhruithe

Léiríonn sé seo dliteanais fhabhraithe mar a leanas:

Riaracháin an Aonaid Chláraithe Feithiclí	€1,239,306
Bearta um Chuimsiú sóisialta – Treoir-Chuimsiú Sóisialta	€12,610
Comhpháirtíocht Áitiúil – An Clár Corparáide MBA um Rialtas Áitiúil	€10,610
Iomlán	<u>€1,262,526</u>

Nótaí ar na Cuntais (ar lean)

11. An Ciste Comhpháirtíochta Poiblí Príobháidí

Léiríonn an caiteachas seo costais a tharraing agus a d'éiligh Údaráis Áitiúla maidir leis an gcistiú tionscantach a ghabhann le tionscadail Chomhpháirtíochta Poiblí Príobháidí a chuireann Údaráis Áitiúla chun cinn.

12. Riarachán Ceadúnaithe Tiománaí

Le héifeacht ó 1 Eanáir, 2003 aistríodh feidhm riarachán na gceadúnas tiomána ón Aire Comhshaoil, Oidhreacht agus Rialtais Áitiúil chuig an Aire Iompair. Tharraing an tAire Iompair caiteachas de €448,779 i dtaca le riarachán na gceadúnas tiomána in 2005.

13. Uachtaránacht na hÉireann ar an Aontas Eorpach

Léiríonn an caiteachas seo íocaíochtaí a rinneadh le hÚdaráis Áitiúla áirithe le haghaidh costas óstála a tharraing siad i leith ócáidí maidir le hUachtaránacht na hÉireann ar an Aontas Eorpach, a bhí ag Rialtas na hÉireann idir Eanáir agus Meitheamh, 2004.

14. An Ciste Tionscnamh

Soláthraíonn an Ciste Tionscnamh tacaíocht agus gríosadh d'Údaráis Áitiúla chun tabhairt faoi thionscnaimh nua le cur le héifeacht agus le héifeachtúlacht an mhodha ina ndéanann siad a gcuid gnóthaí agus le forbairt a dhéanamh ar chur chuige nua i dtaca le pleanáil gnó.

15. Ionaid Ilfhreastail

Léiríonn an caiteachas seo na costais a tharraing agus a d'éiligh Údaráis Áitiúla maidir le hIonaid Ilfhreastail a sholáthar ina gcuirtear ar fáil seirbhísí poiblí ag roinnt gníomhaireachtaí san earnáil phoiblí ar bhonn comhtháthaithe atá dírithe ar riachtanais an chustaiméara.

16. Scéim Dámhachtana an Chéid um Thionscnaimh Phobail

Léiríonn an caiteachas seo na costais a tharraing agus a d'éiligh Údaráis Áitiúla maidir le Scéim Dámhachtana an Chéid um Thionscnaimh Phobail faoina gcabhraíonn Údaráis Áitiúla le forbairt phobail trí thacaíocht a thabhairt do thionscnaimh phobaldírithé.

Nótaí ar na Cuntais (ar lean)

6. Grúpscéimeanna Uisce

Léiríonn sé seo deontais agus fóirdheontais d'Udaráis Áitiúla agus cúnamh airgeadais i leith costais riaracháin a bhaineann le soláthairtí uisce tuaithe.

7. Comhpháirtíocht Áitiúil

Léiríonn an caiteachas seo na costais a tharraing agus a d'éiligh an Bord Seirbhísí Bainistíochta Rialtais Áitiúil agus Údaráis Áitiúla maidir le tionscnaimh Comhpháirtíochta Áitiúla mar a leanas:

Deontas Comhpháirtíochta Rialtais Áitiúil	€3,500,000
Clár Ceannasaíochta an Fhorais Riaracháin (IPA)	€63,000
An Clár Corparáide MBA um Rialtas Áitiúil	€401,122
An Córas Rialtais Áitiúil um Forbairt Feidhmíochta Bainistíochta	€372,923
Iomlán	€4,337,045

8. Bearta um Chuimsiú Sóisialta

Léiríonn an caiteachas seo na costais a tharraing agus a d'éiligh Údaráis Áitiúla maidir le haonaid um chuimsiú sóisialta a chur ar fáil agus maidir le bearta um chuimsiú sóisialta i réimsí chlár RAPID.

9. Treoir-Sheirbhís Maor Pobail

Léiríonn an caiteachas seo costais a tharraing agus a d'éiligh Údaráis Áitiúla i leith Treoir-Sheirbhís Maor Pobail a sholáthraíonn réimse d'fheidhmeanna pobail agus d'fheidhmeanna eile i gceantar cúig údarás áitiúil.

10. Córais Bhainistíochta Airgeadais

Léiríonn sé seo na costais a tharraing agus a d'éiligh an Bord Seirbhísí Ríomhaireachta Rialtais Áitiúil agus Údaráis Áitiúla, chun Córais Bhainistíochta Airgeadais in Údaráis Áitiúla a fheidhmiú.

Nótaí ar na Cuntais

1. Ioncam Mótarchánach

Léiríonn an figiúr seo an t-ioncam ó na hÚdaráis Mhótarchánach tar éis aisíocaíochtaí a chur san áireamh.

Ioncam Comhlán Mótarchánach	€801,287,111
Aisíocaíochtaí	€1,268,774
Ioncam Glan Mótarchánach	€800,018,337

2. Cistiú an Stáitchiste

Léiríonn an figiúr seo íocaíocht ó airgead a sholáthraíonn an tOireachtas faoi fhoráil Alt 4 den Acht Rialtais Áitiúil 1998. Cinneann an tAire Comhshaoil, Oidhreacht agus Rialtais Áitiúil, dá dheoin an t-Aire Airgeadais, an tsuim in aghaidh na bliana, ag cur san áireamh aon athruithe ar fheidhmeanna na nÚdarás Áitiúil nó ar mhéideanna a gcaiteachas i bhfeidhmiú na bhfeidhmeanna sin, arbh fhéidir a tharlú sa bhliain airgeadais roimhe sin. Forálann an tAcht chomh maith nach mbeidh an íocaíocht seo níos lú ná €342,829,281 arna coigeartú de réir athruithe ar an Treoiruimhir Praghsanna do Thomhaltóirí ó 1998 i leith. Ba é €437,450,163 an t-íosmhéid a bhí riachtanach in 2005.

3. Íocaíochtaí Ilfheidhmeacha

Léiríonn an figiúr seo leithdháiltí d'Údaráis Áitiúla i leith na bliana dar chríoch 31 Nollaig, 2005, agus cuirtear san áireamh ann an múnla um chomhionannú riachtanas agus acmhainní a fheidhmíonn an Roinn. Íoctar costais na nÚdarás Mótarchánach as an gCiste agus áirítear iad faoin gceanteideal seo.

4. Bóithre Neamhnáisiúnta

Léiríonn sé seo íocaíochtaí a deineadh leis na hÚdaráis Áitiúla as an gCiste i gcabhair ar chostais a bhaineann le Clár na mBóithre Neamhnáisiúnta. Lena chois sin, íocadh €56,430,000 in 2005 le hÚdaráis Áitiúla as Vóta 25 – Comhshaol, Oidhreacht agus Rialtas Áitiúil – i dtaca leis an gClár.

5. Riarachán an Aonaid Chláraithe Feithlicí

Léiríonn sé seo an tsuim atá inmhuirir ar an gCiste i leith chaiteachas na Roinne Comhshaoil, Oidhreacht agus Rialtais Áitiúil ar Cheadúnú Feithlicí agus Tiománaithe faoi réir Alt 6(5) den Acht Rialtais Áitiúil 1998. Ba é Aonad Cláraithe Feithlicí na Roinne, atá lonnaithe i mBaile na Sionainne, Co. An Chláir, a tharraing an caiteachas (féach freisin Nóta 19).

An Ciste Rialtais Áitiúil

Clár Comhardaithe ar 31 Nollaig, 2005

	<u>Nótaí</u>	<u>2005</u>	<u>2004</u>
		€	€
<u>Sócmhainní Reatha</u>			
Bank		58,848,164	57,943,728
Ús Fabhráithe		7,373	3,186
Mótarcháin dlite	18	3,606,439	4,887,992
Réamhíocaíocht		-	50,812
		<hr/>	<hr/>
		62,461,976	62,885,718
<u>Dliteanais Reatha</u>			
Fabhrú	19	1,262,526	-
		<hr/>	<hr/>
		1,262,526	-
Glan-sócmhainní		<u>61,199,450</u>	<u>62,885,718</u>
Arna léiriú mar Bharrachas sa			
Chuntas Ioncaim agus Caiteachais		<u>61,199,450</u>	<u>62,885,718</u>

Tá an Ráiteas ar Pholasaithe Cuntasaíochta ar Leathanach 1 agus na Nótaí 1 go dtí 19 ina gcuid de na Cuntais seo.

Sínithe



N Callan
Ard-Rúnaí

Dáta

24/11/2006

An Ciste Rialtais Áitiúil Cuntas Ioncaim agus Caiteachais don Bhliain dar críoch 31 Nollaig, 2005 .

<u>Ioncam</u>	<u>Nótaí</u>	<u>2005</u>	<u>2004</u>
		€	€
Ioncam Mótarchánach	1	800,018,337	745,131,845
Cistiú ón Státchiste	2	500,575,000	465,700,000
Ús Bainc		2,288,013	1,880,200
		1,302,881,350	1,212,712,045

Caiteachas

Íocaíochtaí Ilfheidhmeacha atá dlite d'Údaráis Áitiúla	3	826,759,971	759,545,894
Bóithre Neamhnáisiúnta	4	440,840,000	428,000,000
Riarachán an Aonaid Chláraithe Feithiclí	5	16,577,542	14,674,545
Grúpscéimeanna Uisce	6	12,136,398	10,245,334
Comhpháirtíocht Áitiúil	7	4,337,045	3,824,889
Bearta um Chuimsiú Sóisialta	8	1,070,602	1,266,024
Treoir-Sheirbhís Maor Pobail	9	767,633	1,819,939
Córais Bhainistíochta Airgeadais	10	630,612	4,646,184
An Ciste Comhpháirtíochta Poiblí Príobháidí	11	502,279	1,693,495
Riarachán Ceadúnaithe Tiománaí	12	448,779	565,073
Uachtaránacht na hÉireann ar an Aontas Eorpach	13	-	2,825,000
An Ciste Tionscnamh	14	159,037	1,627,103
Ionaid Ilfhreastail	15	-	850,920
Scéim Dámhachtana an Chéid um Thionscnaimh Phobail	16	-	136,052
Eile	17	337,720	207,902
		1,304,567,618	1,231,928,354

Barrachas/(Cailteanas) don Bhliain	(1,686,268)	(19,216,309)
Barrachas carnach ar 1 Eanáir	62,885,718	82,102,027
Barrachas ar 31 Nollaig	61,199,450	62,885,718

Tá an Ráiteas ar Pholasaithe Cuntasaíochta ar Leathanach 1 agus na Nótaí 1 go dtí 19 ina gcuid de na Cuntais seo.

Sínithe



N Callan
Ard-Rúnaí

Dáta:

24/11/2006

Cuntais an Chiste Rialtais Áitiúil 2005

- **Ginearálta**

Bunaíodh an Ciste Rialtais Áitiúil leis an Acht Rialtais Áitiúil 1998. Bunaíodh an Ciste le feidhm ó 1 Eanáir, 1999.

Íoctar na fáltais ó mhótarcháin (glan ó aisíochtaí) agus cion tairbhe ón Státchiste isteach sa Chiste.

Ullmhaíodh an tacar cuntas seo don bhliain dar chríoch 31 Nollaig, 2005.

Ullmhaíodh na cuntais ar bhonn fabhrúithe.

Ráiteas ar Pholasaithe Cuntasaíochta

1. Léiriú Ioncaim

Léiríonn ioncam mótarchánach suimeanna a bhailíonn na hÚdaráis Mhótarchánach agus atá dlite don Chiste, faoi réir Alt 5 (2) den Acht Rialtais Áitiúil 1998. Léirítear ús bainc ar bhonn fabhrúithe. Léirítear cistiú ón Státchiste ar bhonn fáltais airgid.

2. Léiriú Caiteachais

Léirítear caiteachas ón gCiste ar bhonn:

- leithdháiltí a áirítear a bheith dlite d'Údaráis Áitiúla in 2005;
- aisíochtaí atá dlite don Aonad Cláráithe Feithiclí ó chuntas an Chiste;
- aisíochtaí caiteachais ar scéimeanna faofa maidir le Bóithre Neamhnáisiúnta agus le Grúpscéimeanna Uisce; agus
- caiteachas atá údaraithe ag an Aire agus tarraingthe ag Údaráis Áitiúla.

**CUNTAIS AN CHISTE
RIALTAIS ÁITIÚIL – 2005
AGUS
TUARASCÁIL AN ARD-REACHTAIRE
CUNTAS AGUS CISTE**

© Rialtais na hÉireann 2007

BAILE ÁTHA CLIATH
ARNA FHOILSIÚ AG OIFIG AN tSOLÁTHAIR
Le ceannach díreach ón
OIFIG DHÍOLTA FOILSEACHÁN RIALTAIS
TEACH SUN ALLIANCE, SRÁID THEACH LAIGHEAN, BAILE ÁTHA CLIATH 2,
nó tríd an bpost ó
FOILSEACHÁIN RIALTAIS, AN RANNÓG POST-TRÁCHTA,
51 FAICHE STIABHNA, BAILE ÁTHA CLIATH 2,
(Teil: 01 - 6476834/35/36/37; Fax: 01 - 6476843)
nó trí aon díoltóir leabhar.

DUBLIN
PUBLISHED BY THE STATIONERY OFFICE
To be purchased directly from the
GOVERNMENT PUBLICATIONS SALE OFFICE
SUN ALLIANCE HOUSE, MOLESWORTH STREET, DUBLIN 2,
or by mail order from
GOVERNMENT PUBLICATIONS, POSTAL TRADE SECTION,
51 ST. STEPHEN'S GREEN, DUBLIN 2,
(Tel: 01 - 6476834/35/36/37; Fax: 01 - 6476843)
or through any bookseller.

€4.00

Prn A7/0034